



# ირანი

საინფორმაციო ბიულეტენი

№ 44

### **ირანში კოვიდ ვაქცინაციის უახლესი სტატისტიკა**

ირანის ჯანდაცვისა და სამედიცინო განათლების სამინისტრომ გამოაქვეყნა კოვიდვაქცინაციის უახლესი სტატისტიკა, რომლის თანახმად დღემდე (26 სექტემბერი) ქვეყანაში ვაქცინის ერთი დოზით აცრილია 36 მილიონ 303 ათას 222 ადამიანი, ხოლო სრულად ვაქცინირებულია 15 მილიონ 646 ათას 961 ადამიანი. ამ მონაცემების მიხედვით, ირანში ამ დრომდე გამოყენებული იქნა 51 მილიონ 950 ათას 783 ვაქცინა.

[www.imna.ir/news/525101](http://www.imna.ir/news/525101)

### **ირანში მიმდინარეობს უცხო ქვეყნის მოქალაქეთა ვაქცინაცია**

ირანის შინაგან საქმეთა სამინისტროს უცხო ქვეყნის მოქალაქეთა და ემიგრანტების დეპარტამენტის გენერალური დირექტორის ინფორმაციით, ირანის ისლამური რესპუბლიკის ეროვნული დოკუმენტის თანახმად მიმდინარეობს ამ ქვეყანაში მყოფი უცხო ქვეყნის მოქალაქეთა და ლტოლვილთა ვაქცინაცია და ამ დრომდე ამ მიმართულებით 340 ათასი დოზა ვაქცინა არის გამოყენებული.

<http://www.isna.ir/news/1400070402550>

### **ირანში განახლდება ტურისტული ვიზების გაცემა**

ირანის პრეზიდენტის ბრძანებით, 19 თვიანი პაუზის შემდეგ ქვეყანაში განახლდება ტურისტული ვიზების გაცემა და მიმდინარე წლის ნოემბრიდან დაიწყება უცხოელი ტურისტების შესვლა სახმელეთო და საჰაერო საზღვრებიდან.

<https://www.isna.ir/news/1400070502979>

### **ირანის ქალთა ეროვნული საფეხბურთო ნაკრები აზიის თასის გათამაშებაში იასპარეზებს**

ირანის ქალთა საფეხბურთო ნაკრებმა პენალტების სერიაში იორდანის ნაკრებს სძლია და ამ ისტორიული გამარჯვებით პირველად მოხვდა აზიის ჩემპიონატზე. ირანისა და იორდანის ნაკრებთა თამაშის ძირითადი დრო ფრედ დასრულდა და იმის გათვალისწინებით, რომ ორივე გუნდს ქულების რაოდენობით და გატანილი და გაშვებული გოლების რაოდენობით თანაბარი მაჩვენებელი ჰქონდა, საბოლოო გამარჯვებული პენალტების სერიამ გამოავლინა, სადაც ირანელებმა ანგარიშით 4-2 სძლიეს მეტოქეს და 2022 წლის აზიის ჩემპიონატზე მოხვდნენ, რომელიც ინდოეთში გაიმართება.

[www.irna.ir/news/84483692/](http://www.irna.ir/news/84483692/)



### ისლამური რევოლუციის ლიდერის თანხმობით ირანელი მოზარდი გმირად იქნა გამოცხადებული

ისლამური რევოლუციის უმაღლესი ლიდერი დათანხმდა წამებულთა და ვეტერანთა ფონდის ხელმძღვანელის თხოვნას, ირანელი მოზარდის ალი ლანდის გმირად გამოცხადების შესახებ. აღსანიშნავია, რომ ქალაქ იზეში მცხოვრებმა ალი ლანდომ მიმდინარე წლის 9 სექტემბერს მეზობლის საცხოვრებელ სახლში გაზის ბალონის აფეთქების შედეგად გამოწვეული ხანძრის დროს ორი ქალბატონი ცეცხლიდან გამოიყვანა. ირანელი მოზარდი 91 პროცენტის დამწვრობით ჯერ აპკაზის დამწვრობის ცენტრში, შემდეგ კი ისპაჰანის მუსა ქაზემის საავადმყოფოში გადაიყვანეს, თუმცა მისი სიცოცხლის გადარჩენა ვერ მოხერხდა.

[www.irna.ir/news/84483962/](http://www.irna.ir/news/84483962/)

### ირანი კვანტურ მეცნიერებაში სამხედრო ლიდერია

ისლამური რევოლუციური გუშაგთა კორპუსის მთავარსარდალის მოადგილე ალი ფადავი:

- ჩვენი შეიარაღების დამიზნების სისტემა იმდენად ზუსტია, რომ თუ მაგალითად, ამ სტუდიის მაგიდის ნახევრის განადგურებას მოვინდომებთ, შეგვიძლია წარმატებით განვახორციელოთ ის. .

- დღეს ჩვენ კვანტური მეცნიერების ავანგარდში ვიმყოფებით სამხედრო სფეროში, მაგრამ კონფიდენციალური საკითხების გამო ამ სფეროში ბევრი საუბარი შეუძლებელია.

<https://t.me/farsna/237979>

<https://tn.ai/2577911>

## **ქერბალაში არბაინის რიტუალზე 14 მილიონზე მეტ მომლოცველს ელოდებიან**

ქერბალას პროვინციის ხელმძღვანელთა პროგნოზით, მიმდინარე წელს არბაინის რიტუალზე მომლოცველთა რიცხვი გასულ წელთან შედარებით კიდევ უფრო გაიზრდება. აღსანიშნავია, რომ გასულ წელს 14 მილიონზე მეტი მომლოცველი ჩავიდა ამ ქალაქში არბაინის რიტუალზე დასასწრებად.

<http://fna.ir/473v1>

**აქტიური დიპლომატია და ირანის საგარეო საქმეთა მინისტრის შეხვედრები გაეროს სამიტზე**  
ირანის საგარეო საქმეთა მინისტრი ამირ აბდოლაჰიანიმა გაეროს გენერალური ასამბლეის ფარგლებში არაერთი შეხვედრა გამართა სახელმწიფოს მეთაურებთან, დიპლომატებთან და სხვადასხვა ორგანიზაციისა და ქვეყნის ექსპერტებთან, მათ შორის გაეროს, ინდოეთის, ნიდერლანდების, ვიეტნამის, ფინეთის, ერაყის, ვენესუელას, გერმანიის, ავსტრიის, შვეიცარიის, ხორვატიის, ევროკავშირის, ესპანეთის, იტალიის, პორტუგალიის, სამხრეთ აფრიკის, სირიის, ბრიტანეთის, პალესტინის, საერთაშორისო წითელი ჯვრის ორგანიზაციის, თურქეთის, ნიგერიის, დანიის, აზერბაიჯანის, სინგაპურის, სომხეთის, უნგრეთის, ინდონეზიის, ნორვეგიის, კუბის, საფრანგეთის, შვედეთის, ბელგიის, ალჟირის და სხვ. წარმომადგენლებთან. შეხვედრების შესახებ ინფორმაციის გაცნობა შესაძლებელია საგარეო საქმეთა სამინისტროს ვებგვერდზე <https://mfa.gov.ir>.

<https://t.me/MFAIran/7612>

## **როიტერი: ირანმა და ვენესუელამ ნავთობის შესახებ ხელშეკრულებას მოაწერეს ხელი**

სააგენტო როიტერის ინფორმაციით, ირანსა და ვენესუელას შორის ნავთობის გაცვლის შესახებ მსხვილ ხელშეკრულებას მოეწერა ხელი, მიუხედავად აშშ-ის მკაცრი სანქციებისა ორი ქვეყანას სანავთობო სექტორის მიმართ. შეთანხმების თანახმად, ვენესუელა თავის მძიმე ნავთობს ირანის გაზის კონდენსატზე გაცვლის, რითაც ის გააუმჯობესებს თავისი ნედლი ნავთობის ხარისხს. ხელშეკრულებით გათვალისწინებული პირველი ტვირთი მიმდინარე კვირაში გაიგზავნება.

<https://tn.ai/2578785>

## **ირანის დახმარების მესამე პარტია ავღანეთში ჩავიდა**

ირანის ისლამური რესპუბლიკის ჰუმანიტარული დახმარების მესამე პარტია, 15 ტონა საკვები და მედიკამენტები, ქაბულის აეროპორტში ჩავიდა. მანამდე, ავღანელი ხალხისთვის ირანის დახმარების მორიგი, მეორე პარტია გაიგზავნა ქაბულში, რომელშიც შედიოდა 21 ტონა საკვები პროდუქტები, მათ შორის ბრინჯი, ზეთი და სხვა.

<https://tn.ai/2579407>

## **გენერალ სოლეიმანისა და აბუ მაჰდი ალ-მოჰანდესის მკვლელობის ორი დამნაშავე სავარაუდოდ მოკლულია**

საინფორმაციო-ანალიტიკურმა საიტმა The Cradle-მ წინააღმდეგობის ფრონტის უსაფრთხოების სამსახურის ერთ-ერთი მაღალჩინოსნის განცხადებაზე დაყრდნობით გაავრცელა ინფორმაცია ერაყის ქალაქ ერბილში ამერიკელი პოლკოვნიკი ჯეიმს უილისისა და ისრაელელი პოლკოვნიკის შერონ ასმანის მკვლელობის შესახებ. ისინი სავარაუდოდ გენერალი სოლეიმანისა და ალ-მოჰანდესის ტერორისტულ თავდასხმაში მონაწილეობის გამო მოკლეს.

<https://www.isna.ir/news/1400063123735/>

## **ხათიზადე: საქართველომ რაც შეიძლება მალე უნდა გადაწყვიტოს ირანელების პრობლემები**

ირანის საგარეო საქმეთა მინისტროს სპიკერმა საქართველოში მცხოვრები ირანელების საჩივრებსა და პრეტენზიებთან დაკავშირებით, რომელიც შეეხება ქართველი მესაზღვრეების არასათანადო და დისკრიმინაციულ მოპყრობას, ამ ქვეყანაში შესვლისას დაწესებული შეზღუდვებიდან და აკრძალვებიდან გამომდინარე, განაცხადა: საკითხის სერიოზული მოკვლევა მიმდინარეობს ირანის საელჩოს მიერ თბილისში და ასევე თეირანში ამ ქვეყნის საელჩოსთან.

მანვე ხაზი გაუსვა: „ცხადია, ასეთი ქმედებები სრულიად მიუღებელია და ველოდებით, რომ საქართველოს ხელისუფლება უმოკლეს ვადებში გადაწყვეტს ამ საკითხებს.

<https://t.me/MFAIran/7467>

## **საგარეო საქმეთა მინისტრის მოადგილემ ბაქოში ირან-აზერბაიჯან-თურქეთის სამმხრივ შეხვედრაში მიიღო მონაწილეობა**

ბაქოში ირანის საელჩოს ინფორმაციით, საგარეო საქმეთა მინისტრის მოადგილე, საგარეო საქმეთა მინისტროს პოლიტიკური და საერთაშორისო კვლევის ცენტრის ხელმძღვანელი საჯადფური სამშაბათს 21 სექტემბერს ბაქოში გაემგზავრა სამმხრივ კვლევით შეხვედრაზე დასწრების მიზნით, რომელშიც ირანული, თურქული და აზერბაიჯანული კვლევითი ცენტრები მონაწილეობენ.

<http://www.isna.ir/news/1400063022915>

## **ირანსა და საუდის არაბეთს შორის მოლაპარაკებების ახალი რაუნდი დაიწყო**

სააგენტო ასომიეთედ პრესი ორ ერაყულ წყაროზე დაყრდნობით იუწყება, რომ გასულ კვირას ბაღდადში ირანისა და საუდის არაბეთის შეხვედრა გაიმართა. როგორც ერაყის ოფიციალურმა წარმომადგენელმა განაცხადა, გასული კვირის შეხვედრაზე „ორ ქვეყანას შორის არსებული პრობლემები წინასწარ შეთანხმებული, მათ შორის დიპლომატიური წარმომადგენლობის გზით შეთანხმებული გეგმის შესაბამისად იქნა განხილული.

<https://www.isna.ir/news/1400070503105/>

## ირანის ტერიტორიაზე წვრთნების ჩატარება სუვერენული საკითხია და ემსახურება რეგიონში მშვიდობისა და სტაბილურობის გამტკიცებას

ირანის საგარეო საქმეთა სამინისტროს პრეს-სპიკერმა საიდ ხატიბზადემ, ჟურნალისტებთან საუბარში კომენტარი გააკეთა აზერბაიჯანის პრეზიდენტის განცხადებაზე და აღნიშნა: "მიუხედავად იმისა, რომ ორ ქვეყანას შორის არის კარგი ურთიერთობები და მხარეებს შორის უმაღლეს დონეზე არსებობს საკომუნიკაციო არხები, აზერბაიჯანის პრეზიდენტის განცხადება იყო საკმაოდ გასაკვირი".

მისივე თქმით, ირანის მიერ ქვეყნის ჩრდილო-დასავლეთ სასაზღვრო რაიონებში განხორციელებულ წვრთნები წარმოადგენს სუვერენულ საკითხს და ემსახურება რეგიონში მშვიდობისა და სტაბილურობის გამტკიცებას.

<https://t.me/MFAIran/7614>

## ირანის ღირშესანიშნაობები: ყეშმის გეოპარკი



ყეშმის გეოპარკი არის პირველი და ერთადერთი გეოპარკი ახლო აღმოსავლეთში, რომელიც 2006 წელს იუნესკოს მიერ მსოფლიო გეოპარკების ჩამონათვალში იქნა შეყვანილი. ირანი ჩინეთის, მალაიზიის, კორეის, იაპონიისა და ვიეტნამის შემდეგ არის აზიის რეგიონის მეექვსე ქვეყანა, რომელსაც გააჩნია გეოპარკი და აგრეთვე შედის მსოფლიოს 19 ქვეყნის ჩამონათვალში, როგორც ამ პოტენციალის მქონე სახელმწიფო. ყეშმის გეოპარკი სპარსეთის ყურის სანაპიროსთან და მანგროს ტყესთან სიახლოვის გამო, მსოფლიოს უნიკალური გეოპარკია და წარმოადგენს სხვადასხვა სახის გეოლოგიური მოვლენის ადგილს. ბუნებრივი ქანდაკებები, ბარელიეფები, ბორცვები, პატარა მთები, ეროზიული სვეტები კლიმატური პირობების შედეგად წარმოქმნილი ქედები და ღრმულები წარმოადგენს გეოლოგიურ მოვლენებს, რომლებიც საკმაოდ ლამაზ სახაობას ქმნიან.